



Deen aur Hum

Short Term Religious Course-IX

Ramadhan-ul-Mubarak, 1446/2025, Lucknow (INDIA)



SUMMARY “Imame Zamana (ajfs) aur Hum”

Lecture Number : 25

Date : 26/03/2025

Topic: Mahdawi Hukumat me Taleem-o-Tarbiyat ka Nizaam

Aayaat:

1) Islami Nizame Taleem-o-Tarbiyat ka Ta’rurf:

- Aaj duniya me Tamaam Mushkilaaat ki buniyaad Tawheedi Usool aur Ilahi Fitrat, in dono par Mabni Mukammal Nizame Taleem-o-Tarbiyat ka na hona hai.
- Agar Samaaj me Adalat apne Wasee aur Mukammal Ma’eno me Qa’em hojye to yahi wo “Madina-e-Fazilah” hoga jahaa’n par Puramn aur behtareen zindagi guzarna mumkin hoga.
- Aisa Nizaam abhi tak Duniya me maujood nahi hai.
- Allah Ta’ala ne Anbiya ka asli Mission Ta’leem aur Tarbiyat Qaraar diya hai. **(Surah Al-Jumm’a Ayat; 2 - “Jis ne Umme Logo’n me inhi me se Rasool bheja jo inke samne ayatein parhta hai aur inhein paak karta hai aur Kitaab-o-Hikmat ki Taleem deta hai agarche isse pehle wo log khuli gumrahi me the”**

- Is Ayat se maloom hota hai ke har qaum ka NAbi usi Qaum me se hona chahiye taaki us qaum ko samajh sake. Is Ayat me Insan ki Ilmi aur Akhlaqi Taraqqi ko Paighambar-e-Islam (SAWW) ki be’sat ka buniyadi maqsad bataya gaya hai.

- **Imam Ali (AS):** “Pas Allah ne Un me Rasool bheje aur paighambaro’n ko musalsal bheja taaaki wo unse-
 - a) Fitrat ke ahd ki Pasdaaru karwayein (Jo logo’n ne Khuda se wada kiya hai).
 - b) Bhooli hui Nemato’n ki yaad dehani karwayein.
 - c) Tableegh ke zariye hujjat Qa’em karein.
 - d) Unki soyi hui Aqlo’n ko bedar karein.
 - e) Unhe Qudrat ki Nishaniya’n Dikhaeyein.”
- “Qayamat ke din Aalim ka taaj Suraj ki Tarah jagmaga raha hog aur Phir Khuda use Ijazat dega ke Jitno’n ko usne Ilm sikhaya hai unki shifa’at karein. Phir un shagirdo’n se kahega ke jitno’n ko tumne sikhaya hai unki bhi shafa’at kardein. Hatta ke Qayamat tak jitno’n se Is tarah se Ilm hasil kiya hoga sabki Shifa’at hojayegi.
- Ye Yaad rahe ke Yaha’n Ilm se murad DEENI ILM hai naaki Dunyaawi Fan/Skill/Fazl.
- Rasool (SAWW) ne Farmaya: Ilm is teen cheezo’n me se ek hai aur kuch nahi. (aur Insaan inhi 3 cheezo’n ka majmu’a hai.
 - a) Thinking- Aqa’ed (se tashkeel paati hai),
 - b) Amal- Ahkaam (ke zariye se anjaam pata hai),
 - c) Kirdaar- Akhlaaq (ke zariye behtar hota hai).

- Agar ye 3 cheezein ham khud aur apni Naslo'n ko na sikha sakein to ham Aalim nahi balki Jahil marenge.

(2) Hazrat Mehdi (ATFS) ki Aalami Hukumat me Nizame Taleem-o-Tarbiyat:

- Ye 2 Buniyadi Pehlu'on par mujtamil hai.
 - a) Insaan ki Aql ka farogh,
 - b) Unke Darmiyaa'n Ilm ka farogh.

A) Zuhoor ke Daur me Aqlaaniyat ka Farogh:

- Aql Insaniyat ki buniyad, Khuda ki Batini Hujjat, Buniyadi Aqeedati Ma'arif ke samajhne ka zariya aur Islami Ahkaam ki istinbaat ka ek ahem zariya hai.
- Is Azeem Ne'mat ko parwaan chadhana aur Iski Tarbiyat karna tamaan Aasmani Books ka main maqsad hai.
- Dozakhi logo'n ki badbakhti ki buniyaadi wajah inka Aql ka istemaal na karna hai. **(Surah Mulk Ayat: 10)**
- Qur'aan-e-Majeed me AQL se mushtaaq lafz 49 times aaye hain.
- Shia hadees ke Mo'tabar tareen masadir me se ek hai Kitab "Al Kaafi" hai jiska pehla baab hi "Kitab-al-Aql wal Jehl" hai
- **Rasool Allah (SAWW): "Tamaam Achaiya'n Aql hi ke zariye hasil hoti hain aur Jiske paas Aql nahi uske paas deen bhi nahi hai." (Tohfal Uqool Pg: 54)**
- Jab Cause (AQL) ki Tarbiyat hogi to Effect (AKHLAQ) bhi sahi hoga.
- "Insaan ki buniyaad Aql hai aur Aql hi se Qana'at, Fehm, Hifz aur Ilm haasil hota hai aur Aql hi ke Zariye se Insaan Kaamil hota hai." **(Al Kaafi V:1, Pg: 25)**
- Hazrat Mehdi (ATFS) ki Aalami Hukumat me is baat pe zor diya gaya hai ke ye dono pehlu (Taleem aur Tarbiyat) aapke haatho'n parwaan chadhenge.
- **Imam Baqir (AS): "Jab hamare Qa'em (AS) Qayam karenge to Allah Ta'ala apne daste Qudrat ko bando'n ke saro'n pe rakh dega par unki Aqlo'n ko Kamaal dega aur Unke khwaab (Fehm-o-Sha'oor) ko Mukammal kardega." (Al Kaafi V:1, Pg: 25)**

B) Taleem-o-Tarbiyat ka Aam hona:

- Sahi Hukumat me ye 3 cheezein Free hona chahiye tabhi wo hukumat Insaan Hukumat hogi: Education, Health, Safayi.
- Imam Mehdi (ATFS) ke daur me Taleem aur Tarbiyat Aam hogi. Fikri, Aqeedati, Siyasi aur geographical taur se hogi.
- Imam Sadiq (AS) ki riwayat ke mutabiq: Abhi hamare pass 27 me se Ilm ke bas 2 hisse maujood hai. Jab Imam Mehdi (ATFS) zahoor farmayenge to un bache hue 25 hisso'n ko bhi logo'n me phailadenge aur un do hisso ko bhi isme miladenge jisse Ilm ke 27 Hisse mukammal hojaenge.

(3) Imam Mehdi (ATFS) ke daur me Nizame Taleem-o-Tarbiyat ka tareeqa:

- Riwayat ke mutabiq ye kaam in cheezo'n ke sath anjaam payega:
 1. Culture me Buniyaadi tabdeeli,
 2. Tazkiya-e-Nafs,
 3. Fitri Salahiyato'n ka Nashwonuma (parwaan),
 4. Akhlaaqi Aqdaar ka farogh wa istehkaam.
 5. Nigraani wa control.
 6. Aiteqaadi (Aqeedati) Buniyado'n ki mazbooti.
 7. Roohani bulandi aur mazbooti.
 8. Hukumati kaarindo'n par nigraani.
 9. Qur'aani Fikr ki Hakmiyat.
 10. Insaano'n me Wahdat aur Ulfat.